

洋縣志

江蘇吳相融著



洋縣

藝文

洋縣志卷四

水利志

邑有水利猶人之有血脉血脉不和則人病水利不講則農病洋縣諸堰惟楊填堰爲閭邑金甌今茲民食舊德畝增法備實由前賢之開創繼述備極勤勞詳垂典制賜惠無窮爰采府縣志各堰先後形勢述其崖畧以備水利志楊填堰三分堰所灌之田三地共田四千九百八十五畝內惟大慈寺田九十八畝夏姓田五十五畝爲洋縣田餘俱屬城固縣七分堰所灌之田合東留村馬暢壻水鋪池西村五間橋智果寺白楊灣謝村鎮龐家店九處爲八地

方共田一萬七千三百七畝每三十畝編夫一名每十五畝夫半名共夫六百一十六名又分八地爲上下二牌每牌公舉總領一名不論紳耆必須才德兼優田過三十畝者挨次輪流周而復始果得其人許管二年每年各給勞金錢十六串每地公舉練達勤慎田過二十畝者二人爲首事每年各給勞金錢八串總領各用會計一人每年工食錢十二串各用廚役一名每年工食錢六串每地各舉一人爲公直編造各地夫名冊送堰以便按節督工每歲總領上堰時邀請各地董事田戶數人估計工程繁簡以定水錢輕重春秋於公局會夫每地一日祇會夫頭不會

散夫歲終散局時延請各地公正田戶查閱簿藉清算賬目於各地標出清單以表無弊藍逆蹂躪是邑祠宇公局盡燬田地荒蕪堰堤崩壞同治三年平靖後知縣范榮光奉巡撫劉知府楊札飭修復堰渠知府撥給餉銀一百兩知縣撥給軍穀十五石委任邑紳知府銜貢生劉瀚爲總領興復堰工經費不足劉瀚從旁貸出錢五百緡爲倡眾首士各貸錢十餘串堰成秋收後按畝輸錢清還借款四年劉瀚倡眾興工每畝派錢於公局舊址修楊公祠上殿三楹前殿三楹後建小亭與墓道相通隨修東西兩廊官廳上下工房廚廡統計大小屋宇四十餘間又買水田七

分給管閘人耕種以補不足買旱地四十畝招佃近堰之人無事時納租取息動工時於茲取土迨修復五洞下水口工俱告竣會同首事廩生高德均等公議編夫凡例十二條及道光間知縣林綬昌所准首領劉蘊玉陳千子等公議章程十二條舊書於木並經賊燬重新錄出同編夫凡例稟案請示樹碑堰局以垂不朽

府志楊填堰在城固東北十五里洋縣西五十里截壻水河中流累石爲堰相傳亦鄼侯平陽侯所創至宋知洋州開國侯楊從義大加修濬民賴其利堰兩岸皆沙土河流湍急易至冲圯元明以至國初官民隨時修補嘉慶十

五六年山水頻漲舊渠平爲河身兩邑士民公請於知府
巖如煜以洋邑貢生蒙蘭生總理修復又城洋武生李調
元張文炳高鴻業等共襄其事買河東岸地一十四畝將
渠身改進築幫河堤二百八十九丈九尺於河水入渠之
處修石門五洞經始於嘉慶十六年二月至十七年五月
工竣堰流東南爲丁家營洞又東南流爲姚家洞又東南
流於北流立水車八具又東南流爲青泥洞又東南流至
寶山繞山而東爲鷺兒堰又東南流至雙廟子爲孫家洞
以上各洞皆灌城固之田又北東南流至留村爲梁家洞
此洞城洋二縣分用又東流入洋縣界首爲新開洞其北岸爲倪家渠魏家渠

又東南流爲黃家洞又東南流爲漢龍洞又東南流爲水
磴堰洞又東南流爲分水渠其北岸爲北高渠引水經池
南寺北至白楊灣止又下爲野狐洞又東南至謝村鎮入
漢江自新開洞至謝村鎮均灌洋縣田共計楊填堰灌城
田一千四百九十八畝洋田一萬八千四百四十畝城田在上
用水三分洋田居中堰下堰用水七分其分工修堰亦照
三七爲例 滕太守定分工約挑修杆數 楊填堰以下
自幫河堰起至鷺兒堰共計一千二百八十八杆內幫河
堰至丁家洞四百杆城固縣挑修一百二杆洋縣挑修二
百八十杆長嶺溝至鷺兒堰六十三杆城固挑修一十八

杆九尺洋縣挑修四十四杆一尺續議定丁家洞起至長嶺溝止共計八百二十五杆城固縣於放水灣口附渠切近洋縣離渠頗遠分定城固民挑五百四十五杆洋民挑二百八十杆杆長一尺

滕太守分水約

凡沿河地界在城田用水地方者城民照例撥夫濬渠在洋田用水地方者洋民照例鳩工挑修至於截河太堰係二縣用水之源頭鷺兒堰乃二縣用水之要口須照田地用水之多寡分工計程合力修築查城田十之三用水亦十之三工宜三分洋田十之七用水亦十之七工宜七分

是用水既均而力役尤平又查幫河堰鷺兒堰二處係洩水要口若二堰修築不得其法不惟若許田畝灌溉不繼而且徒勞無益如往者以亂石磊砌難免隨水飄流之患茲欲其鞏固一勞永逸莫若編設蘆園之法爲善其法蘆

園每一箇長一丈高二三尺許約與堰堤量矮數寸

今園盡以

竹編

其蘆園內填以亂石編立兩條中間數尺仍填亂石於

內水小障攔不竭水漲任其漫過自是工可久而水利有賴矣他如城田洞口俱要另修合照閘式高不過四尺寬不過三尺餘其所費無幾便於封鎖至臨期用水之時城田洞口俱開放水三晝夜三日已滿許洋縣管水利官率

同堰長逐一封鎖洋田洞口以七日七夜爲期自此週而復始水無不給利無不均矣再考城民設立水車八具亦高田旱之必需無禁遏之理但只許單輪不許雙具恐其攔阻河道壅塞下流卽單具水車亦止許小塹取水轉輪而已不得過高阻遏下河之水照此永遠遵行毋違

請專委府經歷專管公堰詳文

嚴如煜

查漢屬堰務舊設水利通判乾隆年間奏將通判移安留壩嗣後陞爲撫民同知水利遂無專管之員從前尙少爭控事端緣近日以來老林開墾土石鬆浮每逢夏秋霖雨過多遇有水漲溪河擁沙堆石而行動將堰身冲塌渠口

堆塞必乘冬春僱募人夫修砌挑挖使水之時方能無悞
工費日加繁重需用銀錢雖按地均攤民間各舉首事收
支而派撥人夫必須官爲督催方用命其各縣所管堰渠
與他縣不相交涉者地方官卽自行督辦尙易經理內如
南褒之山河大堰第三堰流珠等七渠及城洋之楊填堰
均一渠澆灌兩縣田畝一應修堤挖沙拾攔河築洞口各
工或上游恃其易於得水不肯照例行夫或尾壩誘以難
於得水不肯踴躍從事至使水之時或將洞口尺寸私行
挖寬或於封洞日期暗行盜啟人戶旣眾又屬兩邑關查
移訊動需時日以至挑修不能趕緊栽蒔或至誤期若委

員督辦終非專管之官事多掣肘或屆署事不能久留更
易生手輒至茫無頭緒小民輒起爭端此士庶懇請設官
經理之實情也卑府查留壩關防雖有水利字樣已改撫
民同知有命盜戶婚田土等案之責該廳距郡寫遠實難
分身兼顧而設官自有定制未便添設惟查卑府經歷係
屬間曹並無專管要政可否請將南褒城洋交涉兩縣堰
務責令該經歷管理按時赴交涉各堰督辦庶有專員經
理堰渠之爭端可以稍息於急工亦免至互推貽誤所有
應議各條臚列於左

一補築堰堤修整各洞決口挑挖堰口淤沙釘拾攔河椿

石均有舊例按段落行夫如舉貢生監及各衙門充當書役人等恃符依勢從中撓阻抗不行夫以致工不速竣澆灌失利貽害地方者許該經歷卽行嚴拏一面移會地方官訊詳治罪至使用銀錢向係民間自行按地攤派仍交公舉首事掌管該員不得經手以杜書役侵漁之弊

一各洞口大小均按照澆田多寡定有尺寸勒碑爲記永遠遵守如遇修整決口不遵定例私自增添暨需水之時暗挖寬者該經歷一經查出卽將爲首之人拿究照例治罪該經歷如有隱徇卽行參處

一大田需水之時洞口啟閉或輪日或分香大漚由本道給發封條餘堰照舊規辦理如私啟封條暗行挖開至下游水缺該經歷嚴拏究治不得瞻徇

一各堰各洞所灌田畝均有定數射利之徒間有將旱地開作水田墾田日增需水亦多往往不循舊例恃強爭水原灌正田反至失利除已往不咎外該經歷不時稽查再有將旱地開作水田者立即拿究如無契據者照例入官充公

一各洞冊內原灌正田歲修有費輪甲行夫爲日已久是以永沾灌田之利至不入冊之田其田久係旱地所墾

並不派夫派費只許收正田有餘之派水如遇需水之時借收派水爲名偷挖堰水及聚眾競爭者立即嚴拏
懲治

一水利易涉爭端劣衿豪棍往往煽或愚民藉爭水利爲名斂錢聚眾而伊反坐食其利該經歷不時稽查如訪有此等播弄鄉愚之徒卽先行嚴拏移會地方官按律治罪

一南褒城洋交涉各堰設有堰長堰差小甲遇應行修濬等事必須差遣分撥辦理應飭該四縣將堰長堰差人甲開列簿冊用合縫印交該經歷查點兩縣交涉堰務

聽該經歷差遣指使如有抗違玩悞亦聽該經歷責處
倘該縣違袒不發許該經歷稟明道府查究

一該經歷既管四縣交涉堰口之事遇有爭告呈狀許該
經歷接管差遣堰差傳喚到堰隨時剖斷事務稍鉅必
須會同地方官辦理聽其會辦如遇堰民上控牽涉該
經歷接收呈狀之事不以擅收民詞論預杜刁告之風
其餘民事不得干涉仍議如律

一堰務交涉各事既責成該經歷管遇有上控兩縣堰務
交涉之事自應一體批發該經歷審辦不得以濫批論
俾有事權不致棘手如該經歷審斷不公聽地方官據

實稟請道府提訊

一該經歷冬春督工夏秋巡查洞口在堰日多應設管理
堰務文案之書吏及隨帶跟役馬夫除本員每日酌給
飯食銀二錢書吏一名跟役二名馬夫一名每名酌給
錢五分共計每月需銀一十二兩每年需銀一百四十
八兩設經歷係冷署間曹難以賠墊轉致裹足不前請
酌量堰務之煩簡地方官分別捐給南鄭縣捐銀五十
八兩褒城三十兩洋縣四十兩城固二十兩每月初一
日致送如有藉詞抗交令該經歷徑稟藩憲在於各該
縣應領銀兩內扣發設此月內遇有交卸准交接任官

按日入抵以上各條是否可行伏乞憲核飭遵 董撫

憲批准行

溢水堰在縣西北二十里出溢水河渠傍山崖歲遭山水衝崩明崇禎元年知縣亢孟檜創修飛槽尋被水衝

皇朝康熙五年知縣柯棟爲木槽以省費至今仍之合計通堰大渠內分水洞口自魏家村起至戚氏村止共一十二洞其小渠內洞口難以悉計共灌田一千三百零三畝今少三畝

二郎堰在縣西一十五里出溢水河合計一堰大渠內分水洞口自上范填起至六陵村止共一十二洞其小渠洞

口難以悉計共灌田八百畝

三郎堰在縣西十里出溢水河合計一堰大渠內分水洞口自傅家灣起至退水渠止共六洞其小渠內洞口難以悉計共灌田三百三十畝

灤濱堰在縣北一十五里出灤水河堰水所溉抵南陽村雙廟爲盡水中有二澗橫亘渠道渠水至此隨澗水橫澆不能下注因設木槽截澗引渠俾水下流奈易毀不能特久時苦田涸苗槁明萬曆十五年知縣李用中勅建石槽箴築完固接水通行始永遠有濟合計一堰大渠內分水洞口自周家坎東坡下土橋起至雙廟止共一十二洞其

小渠內洞口難以悉計共灌田一千九百六十畝內有水
不及灌作旱地者一百九十畝有零今祇灌田一千八百
畝

土門堰在縣北十里出灤水河水阻牛首山之橫麓故鑿
爲門以通渠道因名土門渠北有小溪名賈峪河節年每
遇暴雨溪水橫衝渠道水洩不得灌田萬厯二十九年知
縣姚誠立目擊其害捐金助民興作修石堰二座飛槽一
道岸洞二道豐灌有法洋民利賴合計一堰大渠內分水
洞口自劉家草埧起至北門外止共二十五洞其小渠內
洞口難以悉計共灌田一千五百零四畝內有水不及灌

並遭牛首山坡水衝淤作旱地種者百餘畝今祇灌田一千三百畝

斜堰在縣北六里出灤水河明萬曆十七年知縣李用中始建石堰合計一堰大渠內分水洞口自巨家洞起至西關止共六洞其小渠內洞口難以悉計共灌田三百二十三畝今少三畝

苧溪堰在縣西北十里出苧溪河灌田三百二十畝

華家堰在縣東北七里出天寧溪灌田一百畝

高原堰在縣東三十里出大龍溪灌田七十畝

鷺翁堰在縣西南十五里出小沙河灌田二百六十畝自

江埧村開渠

貫溪堰在縣東十里出平溪河灌田一百畝

按溢水堰同治間堤岸崩壞知縣李承玖督同首事田戶修築如故又本堰有大小飛槽易於冲崩光緒二十一年知縣李嘉績督同堰首廩生宋培張敬銘楊鳳藻附生白榆茂等用石灰桐油修築完固堰向爲上八工下八工通共灌田一千八百餘畝

採訪冊

附陂池 百頃池在縣西南十里滙小沙河水以溉田明隆慶間知縣閻邦寧以池二十畝蓄水餘俱佃種租入社倉萬厯間署縣劉鉞又請爲學田

大塘池在縣西二十餘里蓄溪流沼溉田甚多廣數十畝又池稍小今有大池子小池子之名 龍泉水在縣東北十里灌溉田疇甚多上有龍王廟土人建以祈報者

按土門斜堰二堰同治二三年間俱荒蕪損壞三年四月知府楊發給軍米命修治耕種又斜堰於光緒二三年被水衝壞知縣劉大炳籌款修復如舊兩次工程俱貢生梁鎰承委經理

洋縣志卷

墓塚志

民之不能忘者或葬碧血焉或葬衣冠弓劍焉知古人息
躬之壤纍然者明明在斯土乎故陵墓之志前賢所必詳
也但洋邑原無陵寢緬維古墓之餘附以義塚而備墓塚

志

漢

龍亭侯蔡倫墓在縣東三十里龍亭舖有祠碑有祭田

唐

張嘉墓在縣東北二百里焦溪河見通志

玉貞公主墓在縣西四十里玉貞觀後

在今馬暢街鎮之西北隅

宋

洋州知府張中庸墓在椒溪河

開國侯楊從義墓在縣西四十里楊墳堰朝散大大哀渤
有碑誌

安撫使彭輅墓在縣北十五里釋子山

開熙元年爲興元元都統制府志

七女塚在縣東關一土人無子有七女父歿七女負土築

塚因名焉舊志註誤

戚氏村前有村名乾溪外有數塚土人呼爲七姑堆得毋本有二處舊志

並之爲一與

王承宣使墓在縣西北二十里石羊里有碑

承宣使名師德見宋史

趙太史墓在黃安壩三道嶺距縣十五里

趙少保墓在縣東南十五里黃安壩又云望江舖趙家坎
太學生雍冲墓在縣東北一十五里雍家溝

明

侍郎李彪墓在縣西二十里

解元蕭靖墓在縣東五里周家店

解元任綱墓在縣東三十里杜家壩

吏部司務李嘉賓墓在縣東北五里牛首山有尙書王國

光誌

知府薛選墓在縣西北九里崗

知州樊盛墓在縣北三里紙坊街

知縣任朝臣墓在縣南十里雞子山

少卿張企程墓在縣西北五里南陽村

知府李喬岱墓在縣西二十里白廟村

副使李時孳墓在縣東六十里眞符鎮

尙書李遇知墓在縣東二十里栢樹坪吳家山下

知府吉孔嘉墓在縣南東三里

知縣黃甲墓在縣東十里貫溪鋪翟家村後

主事李景貞墓在縣西三十里蘋草溝

副使李固本墓在縣東六十里眞符縣

副使李景廉墓在縣西三十里蘋草溝

皇朝

誥贈靖逆侯張興墓在縣東三十里杜村壩

附採訪古墓

羅公遠墓距城三十里在杜村壩鶴山羅公祠右

宋開國侯傅德先暨郭夫人雙墓在江南壩湮沒已久

光緒間土人掘出墓誌武舉祝成烈爲之滌垢封植表

而出之黔人陳銛有記

光緒辛卯

開國侯楊從義祖塋在縣北牛首山偏東臨阜之下歷年已久墓誌出土卽今周家村以北是也

尚書閔文叔墓在縣北十里箕營谷俗名硯台山卽今
文家坪薛家礪以南皆近年因土崩露出墓誌而得之
者

漏澤園

附郭義塚有三一在西關一在縣西二里一在甘露菴
西明洪武間知縣劉質置康熙二十八年知縣謝景安
立石明界在縣東南二里有碑俱收埋無主骸骼遴委

善士董其事

縣志

鄉鎮義塚在華陽鎮義園甚大在街西北

其原始未詳

東路磚橋南耆民郭振國捐置義地二畝

北路鐵冶河道光間職員陶大忠捐山坡一股爲義地
葬滿光緒十二年耆民方昌福等倡捐於其旁續置義
地一股在鐵冶河東溝鄉約劉治剛捐山地一股爲義
地在鐵冶河大西溝耆民羅正福等倡首捐買山坡一
股爲義地

採訪冊

<p>要義以欲保諸子... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>	<p>... 其... 亦... 行... 其... 亦...</p>
--	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------	-------------------------------------

洋縣志卷四

古蹟志

靈浩所鍾山川生色士民之望樓閣恒新況一時坊表千古流傳端藉空文常昭景仰而奇峰仙洞異亦旁搜嘉樹甘泉雅堪兼採謹編今日之檣權備古蹟之志

秦

白公城在縣西三十里白起所築以控制蠻獠處

漢

天漢臺在縣治西北隅爲登覽勝地相傳漢帝所築宋皇祐三年太守王冲脩望京樓於上後廢僅存遺址

皇朝同治十一年知縣李承玖重修於舊基題名如之

辟穀遺踪有山以子房名傳是畱侯辟穀處 漢王城縣

西四十里高十丈餘南北三百步東西一百八十步高帝

駐蹕於此 戚氏村縣西八里爲戚夫人故里 紙坊在

城西北二里龍亭侯蔡倫造紙處 漢王山卽漢王嶺高

帝經此故名 諸葛嶺武侯戍此故名 大龍溪小龍溪

縣東北三十餘里有大石赤書曰展溪漢張魯女卧石上

有霧蒙身遂孕後生二龍 興勢山爲武侯出駱谷之戍

處又爲劉敏費禕退魏軍處 三嶺爲蜀費禕拒曹爽處

赤坂縣東三十里司馬懿寇蜀武侯出次赤坂禦之卽

此在龍亭山 黃金谷在縣東八十五里張魯所據又海
錄碎事曰氐人楊難當令魏太守薛健據黃金戍又曹爽
寇蜀蜀將王平拒之於興勢張旗至黃金谷又宋劉義慶
遣將軍裴方明助蕭永之拔黃金戍皆此卽黃金峽 城
山上有城爲三氐人楊難當所築

唐

開明寺塔與寺俱建於唐初 五雲樓唐時與廟同修明

末寇焚

嘉慶間重修如舊道光開邑紳馮翊治於兩旁修輔弼二樓今圯其一正樓亦半殘缺焉

清涼

川縣北四十里德宗幸梁洋至此見旌旗蔽野疑爲朱泚
追兵及至乃梁帥嚴震具軍容拜馬前上喜令震登騎時

中書舍人齊映從駕叱震與至尊導馬上次洋州行宮責

映不達機權對曰令山南士民知天子之尊上嘆賞久之

今川原之上有廟名清涼寺創自前代亦黨谷之通道也駱水德宗幸洋至此陸贄從

而後上驚憂涕泣募得贄者賞千金頃之至上喜太子以

下皆賀卽駱谷道也 灤谷在縣北三十里南口曰灤卽今

之清涼川漢王山鐵冶河又自溢水口北口曰駱卽今之

村上石碓山至鐵冶河各路皆灤之南北口曰駱平堵河

達壻水沿流而上至都督河逾秦中路屈曲八十餘里凡

嶺自西駱谷出秦川皆爲駱谷也 四十八盤卽今由邑至鐵冶河華陽一帶交互之山徑若

德宗僖宗幸洋由此漢姜維伐魏亦由此 子午谷唐置
驛爲貴妃貢荔枝道 藥木關自涪陵貢荔枝之道亦唐

置

宋

龔美堂事詳名宦

堂僅基址今卽其處建龔美亭以姚三公配享

郡圃在舊州治

北圃中有湖有橋

湖在今署西北隅橋在宮牆外

橫湖在縣治西北隅水

光潏灩有足練橫空之狀故名青篁翠竹佳木奇葩掩映

園池池上有臺曰待月臺池東北有榭曰二樂榭文與可

守洋時騷人名士泛舟唱和備極韻事湮廢已久故址杳

不可得矣 擁翠亭在舊州治倅廳後宋建北望羣山雲

烟顯晦爲邑奇觀今無 洋州三十景 南園在舊郡城

北竹塢荻浦蓼嶼寒蘆港俱在城南金橙徑野人廬此君

菴瀛泉亭吏隱亭霜筠亭無言亭露香亭涵虛亭溪光亭

過溪亭菡萏亭禊亭茶蘼洞湖橋冰池俱在舊郡圃天漢

臺上有望京樓秦雲閣久廢待月臺二樂榭亦在郡圃披

錦亭在縣治北書軒在縣舊郡宅橫湖見前望雲樓篔簹

谷今無以上府志古洋州十二景石磴高峯雲根水出洞古

古類今復豐山勝概蒼松古栢陰翳蔽日五雲層樓登樓俯視水光抱城

七女靈池相傳七女爲父築墳地遂成池水光潏灑頗有佳況藥木香枝葱蘢雲樹

韓湘仙山深林蒼蔚黃金古渡款乃篙聲篔簹秀竹竹種

佳名不朽駱谷樵歌盤谷幽邃龍亭牧笛岡阜層疊洋川霽望

上下天光秦嶺春雲崇朝觸石古郡縣遺趾漢城廢郡

一碧萬頃

秦嶺春雲

崇朝觸石

古郡縣遺趾

漢城廢郡

在縣北三十里黨谷內後魏置 興勢故縣在縣東北八

里興勢山上後魏置 黃金故縣在縣東四十五里黃金

谷內晉置郡後魏改縣 興道縣故址在縣東門內詳建

華陽故縣在縣北華陽山內唐置 龍亭故縣在縣東二十五里龍亭鋪漢置 古驛

望雲驛在縣東八十里唐置 渭水驛在縣東一百二十

里渭門宋置 秦望驛故址在舊眞符縣北三百里至莖

屋林關驛九十里唐置 望林驛在縣北一百五十里三

十六盤山之 青山驛在縣北二百五十里唐置以上五驛

明廢久

天漢名邑坊在譙樓前南向俗稱邑門北向題曰武康古
郡遺風坊在縣治前文化坊在縣治前天縱坊在
文廟東大成坊在文廟西文廟坊在學巷口禹門
春浪坊在縣西北隅五雲坊一名風動坊在五雲宮
留侯遺迹坊在縣治西知縣閻邦寧建康熙間知縣龐守
謙重脩韓魏公舊治坊在縣治東脩建同上桂林坊
在儒學大門前騰蛟坊在學東起鳳坊在學西旬
宣坊在東門內繡衣坊在十字街明御史李時孳建
諫議坊明給事中張企程建東萊師帥坊在西街明知
府李喬岱建此坊爲藍逆焚燬今尙餘基石少保天官坊在明尙書李

遇知建 黃甲坊在察院東明進士李彪李英建 科第

坊明進士楊明盛建 青雲坊在察院西明解元蕭靖任

網建 聚奎坊明庚午癸酉連發蕭任二解兼宋禮白壽

俱中經魁建此坊以紀科名之盛也 孝子坊在縣西七

里明天順間知縣魏隆請爲孝子武全立 貞節坊有四

一在智果寺宏治間旌表節婦王氏一在縣西白廟村天

啓閒旌表節婦石氏一在縣東安固城崇禎閒旌表節婦

圖氏一在縣東門內崇禎閒旌表節婦段氏 雙烈坊在

西關明知縣張以謙旌表生員杜春輝妻王氏杜春芳妻

康氏 霜霽亭在察院行署中 愚民臺在十字街久無

雙鳳橋在縣西關因蕭任二解元得名 解元橋在縣

西二里橋成適蕭靖發解故名 五里橋在縣西 乾溝

橋在縣西六里 謝村橋在謝村鎮 基公橋在縣西二

十五里 火燒橋在縣西三十里 五間橋在縣西三十

里 天寧橋在縣東五里明天啓時邑諸生周所重修順

治間邑人周應端暨子庠生周命新相繼重修有碑記復

為水圯康熙間知縣鄒溶捐俸倡助重修 八里橋在縣

東 貫溪橋在縣東十里 翟家橋在縣東北十五里

龍亭橋在龍亭舖 萬春橋在萬春舖 眞符橋在舊眞

符縣

合紀古今山洞池泉竹樹各蹟 宋軍山舊有叢林有古

松二株偃蓋蟠鬱今俱無惟存殿數間相傳爲宋戍軍之

寨去寺里許石壁上有二龍形石柱山山上有石屹立如

柱柱上一天生石盤積水不竭歲旱禱雨多應光緒十五年其石盤

爲雷震碎俗稱其地爲道士崖釋子山唐法照生此 石磴山曲折層巒

九十四峯上有石椿石箱有石室久圯光緒二年重修石室女冠山

石壁有女仙狀故名 太白山唐時得玉冊於山下 韓

仙山湘子曾跌坐於此有石洞卽名韓仙洞 神仙洞在

鄠都山洞石壁上有仙人掌跡 念佛巖洞峭削孤危非

攀援莫上崖腹有洞僅可容身唐法照念佛聲聞長安處

也下臨碧潭如鑑每歲五月五日巳午二時泛出五色泡
光艷彩奪目 觀音洞縣東五十里西水崖內有石觀音
像 禪堂洞縣西北九十里內有石牀石佛等蹟 蒙巖
洞在縣東北洞前有唐貞觀年號 八里洞縣北七十里
層山之中平原八里故名 魚洞縣東北三百餘里水出
石穴每仲春有魚湧出 龍洞縣北八十里其洞有三俱
有靈湫禱雨輒應 寒泉在寒泉山仙人李八百趺坐此
山弟子唐公昉患渴八百以杖指岩泉隨湧出清冽異常
故名 醴泉在普澤院殿前龍血禪師塔旁水甘如醴故
名 聖泉在縣西十五里病者飲之多瘳見一統志

按今釋子

山下石罅中有泉治病甚靈
石上有女人卧形或卽是此

龍泉在縣東

詳水利志

神女泉在

縣東南六十里泉穴有三求雨輒應
雷破泉在縣西南

三十五里泉出石上冬夏不竭
馬檻泉上有龍王廟在

縣南十五里
馬跑泉一名殷家泉縣西北十五里在鄆

山內
錫杖泉在念佛岩上唐法照錫杖卓地泉隨杖出

明月池縣西北隅內有臺相傳漢高祖所築張良曾疏

之以資灌溉一名張渠

臺疑卽天漢臺

放生池在東門外百

頃池縣西南十里一名九頃池蓄沙河水以灌田畝

再見水利

鄆都山池在鄆山頂有二下一池無水相傳因人污而竭

上一池冬夏不竭稍穢則必濁數日始復清
天池山池

即二爺山池廣盈畝甚清列而神
在廟前山形最佳如蓮花甫開狀

大唐池在縣西二十五

里闊二十餘畝居民蓄水灌田

別見水利

蓮花池在縣東南二

里 僊浴潭縣東南三十里相傳有仙女浴此石上坐蹟

尙存 戲翁潭縣西一十五里漢水中有石洞洞邊有石

似馱故名舊傳邑人於三月三日修禊於此 五龍潭在

縣西一里漢水東崖舊有五龍廟今廢 偃月池在城內

北極宮

形如半月附會之說
不足紀實蹟未詳

八寶臺在縣東百餘里

與環珠臺

相近或卽環珠
臺實蹟未詳

安固城在縣東

一名小城固或卽古城
城固城址實蹟未詳

三官

樓在縣西關舊有樓三楹年久傾圮康熙間知縣鄒溶捐

俸重修仍復古制

按此樓於道光間邑人重修甚高大以
鐵鑄鳳凰爲頂以對鄧山爲藍逆焚燬

雙桂樹在文廟正殿前相對扶疎香聞數里南谷鄒公會
以下街月府孕秀鍾靈最洋士焉今益廣蔭如淮陰侯掛

甲樹在鄴山李雪木有詩見藝文 篔簹竹在篔簹谷今

無其種名人題詠甚多見藝文

相傳過客尋玩者眾土人憚於供應遂絕其種

附紀採訪古蹟 武香山在縣東三十五里石洞生風峭

壁出泉嘉慶時教匪擾洋土人避之於此賊至見真武形
於雲端賊懼而返悉得全活縣令命民建祠祀之廟名見

寺觀志 老龍池在石碇山之東都樓山之極巔峯頭寬

不數丈微凹處有池盈尺卽甚旱不竭禱雨極靈 燕灣

在白陽關之西有大小二灣皆瀑布飛泉山谷奇雅相傳

爲宋時燕介山莊

燕介宋進士官階科分俱失考可稽惟此

○佛爺洞在益谷

之源洞高廣十餘丈其右有泉流出其左有千年蘿蘿樹

大數十圍附崖而上至洞口始發枝垂蔭如簷中有廟佛

像因崖石鑿成廟左有隱士康公習靜精舍二間今無

康公

事見隱逸

八龍洞在灤源之天馬山下其深數里中有玉碗嵌

石上盛水常滿旱時尋至其處取其水甘雨卽至有石牀
石柱筆架等奇其盡處有八洞之水會聚以是名之洞下
有八龍廟創於宋時禱雨極靈道光間知縣宮爾錫禱雨
有驗親書楹聯云溝以西名仰神牀乃眷西顧龍得八數
荷聖澤時沛八方廟前石上有宋乾德元至元明宣德等

字其餘磨滅不可識疑是紀禱雨獲驗之事又洞深處石壁上鐫地肺通天四字其大如盤隸體書

志卷八終

群臣受命於天出而為世為人事之與前相
不一之謂由君為臣之謂臣君臣之分有定矣
國通其氣有定焉安有定而大得其理者乎
願願也

萬民受命於天出而為世為人事之與前相
不一之謂由君為臣之謂臣君臣之分有定矣
國通其氣有定焉安有定而大得其理者乎
願願也

洋縣志卷

金石志

宋代盛金石學初無與於地志然於志邑厥有三益傳記多傳聞異辭金石則當時之文可以徵信史志疆域僅舉大綱金石則鄉里舊名往往而在宮寺塚墓故迹多迷而剝鳧斷鼻都成指證洋邑金石可稽甚少由前無搜奇好古者爾欲啟大雅訪求之端須在及今鐫華之述據所見存以備金石志

韓幹石墨在二堂西壁圖二馬畫雖多肉而骨植生動款識年代爲煞風景者憚印塌之煩鑿壞磨滅惟存韓幹二

字戴松石墨一在韓幹馬旁圖四牛前一牛矯首豎尾若
狂奔狀一犝牛回頭呼犢後一牛俯首食草一牧童橫臂
一在北壁圖四牛其一向西昂首長鳴一牧童簑笠橫臂
吹笛其一東向貫以鼻繩繩繫牧童之股其一北向現背
面其一南向現正面意態如生又一牧童簑笠坐樹下蓋
雨景也

洋州詩碑在二堂東壁東坡書其所自作詩今之嵌壁者
贗也原石爲康熙時官此者移歸蜀邑紳李盤宦蜀見之
印塌百數十本以歸遍贈邑人士俾留古蹟兵燹後其有
存焉者寡矣

鮮于侁詩碑在縣治二堂

文與可洋州詩碑亦在縣治堂壁閒

昌黎公詩碑宋知州韓億自書其所作詩在縣堂西壁

堰碑記篆額惟此三字及文中楊從義三字尙存其餘悉磨滅在邑西關外

開國侯楊公墓誌碑知洋州事李昌諤書通判王椿篆額石工西周王傑在縣西五十里楊公墓

遇仙碑在崇道觀前秦御史所題紀也其所遇何仙爲何年代俱未載或以爲卽張三丰云

呂純陽詩碑字卽其自書也龍蛇草體在城內化迷亭

古鼎嘉慶閒南壩村人掘地所得銅質甚美高二尺闊尺五六寸篆銘俱剝落難識邑紳馮翊治辨爲漢物購得置關聖廟作香爐色黑而光可照人殆賞鑒家所謂黑漆古鼎與

留侯遺劍銅鑄插子房山石壁乾隆閒有人竊去閱數十家得者輒有禍嘉慶閒得者復送還廟道光初年又爲人竊去仍不利於得者咸豐七年爲晉省某縣一質庫所得主人識之專人贖還廟中其劍三尺土花剝落色黯碧映日出鞘空中有白光長丈餘至同治五六年又爲人竊去

矣

鼎彝藏在縣西馬暢相傳爲前代一柳姓知府之園亭故址蔡姓得之以爲窰廠數世矣道光閒取土塲填掘得古鼎彝器三十餘件携其一至省賣之識者辨爲漢物得善價蔡氏以此饒裕仍爲陶如故咸豐閒又得一藏更多於前所獲以爲盡矣同治七八年閒又得一藏亦二三十事蔡氏遂以鼎彝起家今富矣愈業陶不息尤冀其有後獲焉

開明寺鐵鼎在覺皇殿前知縣宋銳鑄並年月人名二三十
十字

覺皇殿柳公權題名眞蹟也

洋縣志卷四

食貨志

食貨之所以志者將欲有以開利民之源塞害民之流粵稽洋邑物產孔殷陂渠之井養無窮吉貝之利人云溥由宋迄今頗多力溝洫勸農桑察蠹耗禁植毒示儉示禮務本培根賴前賢有以維持富庶之基而不致廢墜者也至若穀蔬花卉鳥獸草木服食所必需器用所取材雖欲志之固不勝書卽殫詳之仍多遺漏概從乎略謹述嘉謨成憲以備食貨志

按洋縣花布絲絹城鄉多務之山中則甚少麻亦土宜

而南山多於北山絹雖以馬暢名其實馬暢出者十之二餘皆城固出盡以馬暢名之也其在山中昔時香菌木耳鐵紙木料等廠今皆無之惟紙廠尙餘二三藥扒雖有近日亦頗寥寥惟各山場於夏日有客商收買筍蕨野藥者僅可曰尙有貨焉而已

三省邊防備覽民食略云洋縣之楊填堰吳武安王將軍楊從義修治者而灤水溢水及漢江南之小沙河並華陽之西水北山之蒲河焦河西岔河引而成渠者通計灌田近十萬畝而農民種田糞土之宜全所不知卽水田中灰餅之類從無使用者田多之戶閒種巢華一二塊以爲

肥田用然亦寥寥水田夏秋兩收秋收稻穀中歲鄉斗常

三石

京斗
六石

夏收城洋澆冬水之麥畝一石二三斗他無冬

水者鄉斗畝六七斗爲常稻收後卽犁而點麥收後又犁而栽秧從不見其加糞恃土力之厚耳旱地以麥爲正莊稼麥收後種豆種粟種高粱糝子土地曰金地銀地歲收麥畝一石二三斗秋收雜糧七八斗民有田地數十畝之家必栽煙草數畝田則種薑黃或藥材數畝煙草畝摘三四百觔賣青蚨二三十千以爲納錢糧市鹽布慶弔人情之用煙薑占地雖多其地頗加糞次歲收糧必多於民穀無妨也山內溪溝兩岸及淺山低坡盡種包穀麻豆閒亦

種大小二麥山頂老林之旁包穀麻豆清風不能成則種
苦蕎燕麥洋芋洋芋花紫葉圓根下生芋根長如線纍纍
結實數十顆色紫如指如拳如小杯味甘而淡山溝地一
塊挖芋常十數石平壩民居城市者北人食麩飯南人食
米飯鄉民稱米飯曰甜飯曰乾飯日用拌湯麥兒粥小米
粥菜豆腐蒸饅鍋盔之屬名色種種以麥豆高粱小米爲
之常日兩頓工作三頓乾飯只一頓早晚兩頓則湯粥間
加餅饅雖有力之家亦然香稻蓋草黃之屬村中雖有不
以食也包穀米作饅作乾飯與稻米同初熟時曰包穀棒
窮民連包煮食或摘子炒食山民言包穀米耐饑勝於甜

飯也洋芋切片晒乾堪以久儲磨粉和苦蕎燕麥均可作
餅饅志稱梁洋民好飲食平壩民用秣米蒸者曰醪糟曰
黃酒小村店必開黃酒館或挑至村中賣之三四月山中
會場張布棚擺矮桌低机男女沽酒極其混雜山內無糯
穀則用包穀蒸酒包穀難化採草藥作麴山民於六七月
間用各味藥草
取好穀爲麴劑以成麴每穀一石所成麴百數十斤藥性
負販於數百里內各山市民居其利頗厚趨之如鶩藥性
最烈和蒸米七日成酒名曰七日紅飲少輒醉癡狂迷性
往往搬刃弄杖山內鬪案十有九醉竟有醉至死者有司
屢行嚴禁不能止也包穀不可久存每歲至三四月必發
青久之中空背負市鎮價值不足給路費山中多包穀之

家取包穀煮酒其糟喂猪一戶中喂猪十餘口賣之客販或趕赴市集所得青蚨以爲山家鹽布慶弔終歲之用猪至市集盈千累萬船運至襄陽漢口售之亦山中大貿易與平壩之煙草薑黃藥材等同濟日用蓋年歲歉收民有艱食之虞謂之穀荒年歲豐登穀粟太賤民間缺於使用謂之錢荒穀荒賴有公私積蓄錢荒則賴山原自出之財用以濟其窮也

按自光緒十六年洋芋爲黑雨所爛迄今不熟地之所宜惟白早洋芋尚有然春種夏收祇可備菜蔬之用不能如烏芋之秋收有慶功可參五穀也且味亦劣薄食

之不甚益人

洋縣志卷二十三終